



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-I/21-2-40-500-2/21**

Datum: **02.11.2021. god**

«Agencija za vodno područje rijeke Save» Sarajevo rješavajući po zahtjevu pravnog lica, JP «GRIJANJE» d.o.o. Kakanj za donošenje rješenja o vodnoj saglasnosti za aktivnost – izgradnja vrelovoda (grana «A») u cilju proširenja mreže postojećeg sistema daljinskog grijanja u MZ Povezice, općina Kakanj, na osnovu člana 109. stav 3. a u vezi sa članom 12. stav 1. tačka (1) Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj saglasnosti**

1. Pravnom licu, JP «GRIJANJE» d.o.o. Kakanj, daje se vodna saglasnost za aktivnost – izgradnja vrelovoda (grana «A») u cilju proširenja mreže postojećeg sistema daljinskog grijanja u MZ Povezice, na zemljištu označenom kao dio k.č. broj: 383, 386/1, 559/1, 559/11, 559/12, 722/1, 723/7, 1788/3, 1788/12, 1789/1, 1789/2, 1790/1, 1792, 1793/1, 1793/2, 1793/8, 1793/9, 1794 i 1796 K.O. Doboij, općina Kakanj a na osnovu projektne dokumentacije:
 - Glavni projekat vrelovoda za MZ Povezice (broj: GP VR-POV-01/14) urađen od strane JP «GRIJANJE», oktobar 2014. godine te revidovan od strane «ENERGOINVEST» d.d. Sarajevo, juli 2015. godineOva vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Vodna saglasnost se donosi na osnovu pregleda dostavljene projektne dokumentacije iz tačke 1. ovog rješenja, utvrđenog činjeničnog stanja i pod sljedećim uslovima:
 - 3.1. Sve radove na izgradnji vrelovodnog sistema (grana «A») u cilju proširenja mreže postojećeg sistema daljinskog grijanja u MZ Povezice izvesti u skladu sa ovjerenom projektnom dokumentacijom iz tačke 1. ovog Rješenja.
 - 3.2. Tehnologiju izvođenja radova prilagoditi uslovima na terenu, uz odgovarajuća osiguranja ljudi i materijalnih dobara.
 - 3.3. U toku izvođenja radova na izgradnji vrelovodnog sistema otpadni i višak iskopanog materijala se ne smije ni privremeno odlagati na zemljišnu česticu «vodno dobro», odnosno unositi u vodotok i na njegove obale.
 - 3.4. Predvidjeti da se sav nastali otpadni i višak iskopanog materijala prikuplja i zbrinjava izvan površina obuhvaćenim uticajem velikih voda, a u skladu sa važećim propisima o postupanju sa otpadom.
 - 3.5. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim (pogoršanje kvaliteta vode i dr) kao i postojeće korisnike voda.
 - 3.6. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 04/1-19-1974/21 izdatog dana 14.10.2021. godine od strane Službe za privredu, urbanizam i zaštitu okoline Općina Kakanj,
4. Ukoliko se izvođenjem predmetnih radova ili drugim aktivnostima vezanim za iste te korištenjem predmetnog infrastrukturnog objekta - vrelovod za MZ Povezice prouzrokuju štete i naruši stabilnost korita rijeke Bosne, postojećih objekata i obala vodotoka ili nanese štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom infrastrukturnom objektu - vrelovod za MZ Povezice obuhvaćenom ovom vodnom saglasnošću, korisnik zaštitnih vodnih objekata nije odgovoran za nastale štete.

6. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitet voda obavezno izvjestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
7. Po završetku izgradnje predmetnog infrastrukturnog objekta - vrelovod za MZ Povezice i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19 i 41/20).
8. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
9. Ova vodna saglasnost prestaje važiti istekom roka od dvije godine od dana pravosnažnosti rješenja, ukoliko do tog dana nije pribavljeno odobrenje za izvođenje predmetnih radova od strane nadležnog organa i započeti radovi.
10. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, JP «GRIJANJE» d.o.o. Kakanj, obratilo se ovoj Agenciji 21.10.2021. godine sa zahtjevom za donošenje rješenja o vodnoj saglasnosti za aktivnost – izgradnja vrelovoda (grana «A») u cilju proširenja mreže postojećeg sistema daljinskog grijanja u MZ Povezice, općina Kakanj a u postupku pribavljanja odobrenja za građenje istog.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar broj: 043-0-Reg-21-000432 izdatog dana 30.04.2021. godine od strane Općinskog suda u Zenici,
- Ovjerena kopija Uvjerjenja o poreznoj registraciji izdatog dana 24.08.2011. godine od strane Porezne uprave – Kantonalni ured Zenica,
- Ovjerena kopija Uvjerjenja o registraciji/upisu u Jedinstveni registar obveznika indirektnih poreza broj: 04/1-17-1-35-78-3/12 izdatog dana 02.02.2012. godine od strane Uprave za indirektno – neizravno oporezivanje Banja Luka,
- Kopija Rješenja o PVS broj: UP-I/25-1-40-331-4/21 izdatog dana 13.08.2021. godine od strane «Agencije za vodno područje rijeke Save» Sarajevo,
- Kopija Rješenja o urbanističkoj saglasnosti broj: 04/1-19-1974/21 izdatog dana 14.10.2021. godine od strane Službe za privredu, urbanizam i zaštitu okoline Općina Kakanj.
- Glavni projekat vrelovoda za MZ Povezice (broj: GP VR-POV-01/14) urađen od strane JP «GRIJANJE», oktobar 2014. godine te revidovan od strane «ENERGOINVEST» d.d. Sarajevo, juli 2015. godine (na uvid i ovjeru),
- Dokaz o uplaćenju upravnoj taksi.

Nakon uvida u dostavljenu dokumentaciju konstatovano je sljedeće:

- Na području općine Kakanj u MZ Povezice planirane su aktivnosti na izgradnji/proširenju mreže postojećeg sistema daljinskog grijanja odnosno toplifikacija ovog naselja.
- Od strane Agencije, dana 13.08.2021. godine doneseno je Rješenje o prethodnoj vodnoj saglasnosti broj: UP-I/25-1-40-331-4/21 za aktivnost - izgradnja toplovoda, vrelovoda i 13 toplotno izmjenjivačkih podstanica za MZ Povezice. Na traženje Investitora, smanjen je obuhvat zahtjeva te je Služba za privredu, urbanizam i zaštitu okoline Općina Kakanj izdala Rješenje o urbanističkoj saglasnosti broj: 04/1-19-1974/21 od 14.10.2021. godine samo za vrelovod- grana.
- Uvidom u dostavljenu projektnu dokumentaciju utvrđeno je da će veći dio trase vrelovoda – (grana «A») biti položen uz lokalnu saobraćajnicu na lijevoj obali rijeke Bosne preko parcela označenih kao dio k.č. broj: 383, 386/1, 559/1, 559/11, 559/12, 722/1, 723/7, 1788/3, 1788/12, 1789/1, 1789/2, 1790/1, 1792, 1793/1, 1793/2, 1793/8, 1793/9, 1794 i 1796 K.O. Doboje, općina Kakanj. Mjesto priključka grane «A» na glavni vrelovod sistema daljinskog grijanja je kod Mosta mladih u ranije izgrađenom šahtu (tačka T0). Razvod vrele vode je projektovan sa čeličnim predizoliranim cijevima koje se polažu u zemlju.
- Projektna dokumentacija je urađena u skladu sa uslovima iz prethodne vodne saglasnosti izdate od ove Agencije.

Urbanističke uslove za izgradnju predmetnog infrastrukturnog objekta, podnosiocu zahtjeva je kroz izdato Rješenje o urbanističkoj saglasnosti izdala Služba za privredu, urbanizam i zaštitu okoline Općina Kakanj.

Projektna dokumentacija, dostavljena uz zahtjev, urađena je i revidovana od strane pravnih lica koja imaju Ovlaštenje izdato od strane Federalnog ministarstva poljoprivrede, vodoprivrede i šumarstva (sa liste «A»).

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti izdatog od strane ovog organa, broj: UP-I/25-1-40-331-4/21 od 13.08.2021. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat vrelovoda za MZ Povezice (broj: GP VR-POV-01/14) urađen od strane JP «GRIJANJE», oktobar 2014. godine, data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama, te članom 7. Pravilnika o sadržaju, obliku, uvjetima, i načinu izdavanja i čuvanja vodnih akata i Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.građ.

Prilog:

Ovjerena projektna dokumentacija:

- Glavni projekat vrelovoda za MZ Povezice (broj: GP VR-POV-01/14) urađen od strane JP «GRIJANJE», oktobar 2014. godine te revidovan od strane «ENERGOINVEST» d.d. Sarajevo, juli 2015. godine

Po ovlaštenju
Rukovodilac sektora ~~za izdavanje~~ vodnih akata


Haris Ališehović, dipl.ing.građ.

Dostaviti:

- JP «GRIJANJE» d.o.o. Kakanj
- Ul. Alije Izetbegovića br 117, 72240 Kakanj (prilog)
- AVP, ISV – Vodna knjiga
- Sektor 40, arhiva
- Oglasna ploča, AVP Sava